

Trauma rumah asyik kena banjir

Penduduk minta lebarkan sungai atau pasang tembok pengadang, selenggara aliran lebih kerap

■ NORAFIZA JAAFAR

KUANG - Kira-kira 30 penduduk Kampung Bunga Raya di sini nyata masih trauma dengan insiden banjir kilat melanda kawasan perumahan mereka, baru-baru ini.

Insiden didakwa berpunca dari aliran sungai yang tidak diselenggara menyebabkan sudah tiga kali rumah penduduk di-

tenggelami air.

Seorang penduduk, T Ramani, 33, berkata, rumahnya mudah ditenggelami air berikutan kedudukan rumahnya yang bersebelahan sungai.

Menurutnya, kebiasaannya setiap kali hujan lebat keluarganya sudah bersiap sedia mengalihkan barang-barang dari rumah namun ketika

kejadian baru-baru ini, dia tidak sempat untuk berbuat demikian.

"Masa itu dekat rumah saya hanya ada anak saudara yang jaga anak saya, yang lain keluar. Anak saudara saya tak sempat nak menyelamatkan barang sebab kena jaga anak saya yang



MARAN

masih kecil.

"Kawasan rumah saya paling teruk terjejas setiap kali hujan, kami ada cadangan supaya sungai didalaman dan tembok pengadang dipasang tapi sampai sekarang tak ada tindakan apa-apa pun," katanya.

Seorang wakil penduduk, T Maran, 34, berkata, penduduk mohon supaya halangan dalam sungai dapat dibersihkan segera.

"Masih ada pokok yang tumbang dalam sungai belum dialihkan sebab risau ka-



Kesan lumpur yang belum bersih sepenuhnya sejak Rabu lalu.

lau itu jadi punca banjir kilat berulang.

"Kalau boleh kami min-

ta kerja mendalam dan melebar sungai dibuat dan penyelenggaraannya dapat

dijalankan lebih kerap dan bukannya setahun sekali," katanya.



RAMANI

Saksikan

